

鍼灸治療歌賦類編

中醫

(33)

R24
47

鍼灸祕笈綱要

一九五〇年十一月出版

鍼灸治療歌賦類編 一冊

定價人民幣九千元

版權所有 不准翻印

編纂者 江陰 趙爾康

校對者 無錫 謝啓舜

出版者 中華鍼灸學社

發行者 中華鍼灸學社

江蘇無錫瓠巷橋

代售處 上海三馬路 千頃堂書局

印刷者 協成印務局

本書係趙爾康先生歷年教學之心得，與臨床之實驗，內容分鍼科學，灸科學，經穴學，治療學四編，舉凡鍼灸之歷史學理，經穴之解剖性質，治療之驗案手術，以及古今之異同與祕法等，莫不詳明披載，全書五十餘萬言，精裝一巨冊，實價人民幣九萬元，郵費加一。

人體十四經穴圖像

本圖由趙爾康先生親自點穴人身，攝影放大，非常準確，用十套彩色精印，詳明清晰，美觀無比，便於按經摸索，每副分正背左右四幅，計人民幣三萬六千元，郵費加一。

鍼灸治療歌賦類編目次

頭	而	耳	目	口	鼻	舌	齒	咽喉	頸項	心	肝	脾	肺	腎	膽	胃	胸	腹	背	脇	乳
……	……	……	……	……	……	……	……	……	……	……	……	……	……	……	……	……	……	……	……	……	……
(一)	(二)	(三)	(三)	(五)	(六)	(七)	(七)	(八)	(九)	(九)	(十一)	(十一)	(十一)	(十二)	(十二)	(十三)	(十三)	(十四)	(十五)	(十六)	(十六)
黃疸	腫脹	痞氣	汗病	癩癩	瘰癧	消渴	癰癧	癰疹	瘰癧	痿痺	癱瘓	瘰癧	疝氣	疝氣	疝氣	疝氣	疝氣	疝氣	疝氣	疝氣	疝氣
……	……	……	……	……	……	……	……	……	……	……	……	……	……	……	……	……	……	……	……	……	……
(卅二)	(卅二)	(卅三)	(卅三)	(卅四)	(卅五)	(卅六)	(卅六)	(卅六)	(卅七)	(卅七)	(卅七)	(卅七)	(卅八)	(卅八)	(卅九)	(卅九)	(四十)	(四十)	(四一)	(四一)	(四二)

編輯者言

一、本書以歷代鍼灸專家之治療歌賦別類。分而輯之。定名曰鍼灸治療歌賦類編。

一、本書凡初學鍼灸術者。可默誦類編。按症治療。自無棘手之虞。即經驗豐富之人。亦可以此為參考。

一、本書中所有玄說。為聯貫句讀及存舊起見。未便刪除。學者如遇此處。須以科學目光觀之。

一、本書計分六十餘門。例如傷寒病。列入傷寒門中。中風病。列入中風門中。至於頭面耳目口鼻。胸腹腰背四肢。以及婦女小兒諸病。均分門別類。可於目錄中檢查之。

一、本書雖祇一小冊。費時數月。始告完成。學者待此。自能開卷有益。任何疑難雜症。即可迎刃而解矣。

一、本書以急於付梓。紕謬之處。在所難免。尚希海內明達。有以教我。幸甚幸甚。

鍼灸治療歌賦類編

江陰 趙爾康編纂
無錫 謝啓舜校對

頭 門

標幽賦 頭風頭痛。刺申脈與金門。靈驗賦 連於玉枕。頭風療以金鍼。一懸顛頤厭之中。偏頭痛止。又強間豐隆之際。頭痛難禁。蘭江賦 頭部須還尋列缺。又申脈能除寒與熱。頭風偏正及心驚。席弘賦 列缺頭痛及偏正。重瀉太淵無不應。玉龍賦 頭風鼻淵。上星可用。又攢竹頭維。治目疼頭痛。又神庭理乎頭風。靈光賦 偏正頭疼瀉列缺。又頭目有病鍼四肢。通玄指要賦 頭暈目眩。要覓於風池。又腦昏目赤。瀉攢竹以偏宜。又頭項強。承漿可保。又絲竹療頭疼不忍。又頭項痛。擬後谿以安然。玉龍歌 若是頭風并眼痛。上星穴內刺無偏。又頭風嘔吐眼昏花。穴取神庭始不差。又頭項強痛難回顧。牙疼并作一般看。先向承漿明補瀉。後鍼風府卽時安。又偏正頭風痛難醫。絲竹金鍼亦可施。沿皮向後透率谷。一鍼兩穴世間稀。又偏正頭風有兩般。有無

痰飲細推觀。若然痰飲風池刺。倘無痰飲合谷安。又頭面縱有諸般證。一鍼合谷效通神。勝玉歌頭痛眩暈百會好。又頭風眼痛上星專。又頭項強急承漿保。又頭風頭痛灸風池。雜病穴法歌一切風寒暑濕邪。頭疼發熱外關起。又頭面耳目口鼻病。曲池合谷爲之主。又偏正頭疼左右鍼。列缺太淵不用補。又頭風目眩項振強。申脈金門手三里。又二陵二踰與二交。頭項手足互相與。肘後歌頭面之疾鍼至陰。又頂心頭痛眼不開。湧泉下鍼足安泰。長桑君天星秘訣歌牙疼頭痛兼喉痺。先刺二間後三里。馬丹陽天星十二穴治雜病歌 合谷頭疼并面腫。又通里頭腮面頰紅。又列缺善療偏頭患。四總穴歌頭項尋列缺。

面門

百證賦原夫面腫虛浮。須仗水溝前頂。又面上蟲行有驗。迎香可取。玉龍賦耳聾頭腫。聽會偏高。玉龍歌眉間疼痛苦難當。攢竹沿皮刺不妨。又頭面縱有諸般證。一鍼合谷效通神。雜病穴法歌頭面耳目口鼻病。曲池合谷爲之主。又牙風面腫頰車神。合谷臨泣瀉不數。肘後歌頭面之疾鍼至陰。長桑君天星秘訣歌寒瘡面腫及腸鳴。先取合谷後內庭。馬丹陽天星十二穴治雜病歌 合谷頭疼并

面腫。又通里頭顛面頰紅。四總穴歌面口合谷收。

耳門

百證賦耳聾氣閉。全憑聽會翳風。又耳中蟬鳴有聲。聽會堪攻。蘭江賦申脈能除寒與熱。頭風偏正及心驚。耳鳴鼻衄胸中滿。好把金鍼此穴尋。席弘賦耳聾氣閉聽會鍼。迎香穴瀉效如神。又但患傷寒兩耳聾。金門聽會疾如風。又耳內蟬鳴腰欲折。膝下明存三里穴。若能補瀉五會間。且莫向人容易說。玉龍賦耳聾顛腫。聽會偏高。靈光賦耳聾氣閉聽會間。通玄指要賦耳閉須聽會而治也。玉龍歌耳聾氣閉痛難言。須刺翳風穴始痊。又耳聾之症不聞聲。痛痒蟬鳴不快情。紅腫生瘡須用瀉。宜從聽會用鍼行。勝玉歌耳閉聽會莫遲延。雜病穴法歌頭面耳目口鼻病。曲池合谷爲之主。又耳聾臨泣與金門。合谷鍼後聽人語。長桑君天星祕訣歌耳鳴腰痛先五會。次鍼耳門三里內。

目門

標幽賦眼痒眼疼。瀉光明於地五。又取肝俞與命門。使瞽士視秋毫之末。百

證賦目眩兮。支正飛揚。又目黃兮。楊綱膽俞。又攀睛攻少澤肝俞之所。又淚出刺臨泣頭維之處。又目中膜膜。卽尋攢竹三間。又目覺眈眈。急取養老天柱。又觀其雀目肝氣。睛明行間而細推。又目矇兮。顴膠大迎。蘭江賦眼目之證諸疾苦。更須臨泣用鍼擔。席弘賦睛明治眼未效時。合谷光明安可缺。又轉筋目眩鍼魚腹。承山崐崙立便消。玉龍賦攢竹頭維。治目疼頭痛。又睛明太陽魚尾。目證憑茲。又大小骨空治眼爛。能止冷淚。又左右太陽醫目疼。善除血翳。又搖迎香於鼻內。消眼熱之紅。又目昏血溢。肝俞辨其實虛。靈光賦睛明治眼胥肉攀。又頭目有病鍼四肢。通玄指要賦頭暈目眩。要覓於風池。又眼痛則合谷以推之。又腦昏目赤。瀉攢竹以偏宜。又行間治膝腫目疾。又目昏不見。二間宜取。又眇曠冷淚。臨泣尤準。玉龍歌若是頭風並眼痛。上星穴內刺無偏。又頭風嘔吐眼昏花。穴取神庭始不差。又口眼喎斜最可嗟。地倉妙穴連頰車。喎左瀉右依師正。喎右瀉左莫令斜。又眉間疼痛苦難當。攢竹沿皮刺不妨。若是眼昏皆可治。更鍼頭維卽安康。又兩眼紅腫痛難熬。怕日羞明心自焦。只刺睛明魚尾穴。太陽出血自然消。又眼痛忽然血貫睛。羞明更澀最難睜。須得太陽鍼血出。不用金刀疾自平。又心火炎上兩

眼紅。迎香穴內刺爲通。若將毒血搖出後。目內清涼始見功。又風眩目爛最堪憐。淚出汪汪不可言。大小骨空皆妙穴。多加艾火疾應痊。又肝家血少目昏花。宜補肝俞力便加。更把三里頻瀉動。還光益血自無差。勝玉歌 眼痛須覓清冷淵。又頭風眼痛上星專。又目內紅腫苦皺眉。絲竹攢竹亦堪醫。雜病穴法歌 頭面耳目口鼻病。曲池合谷爲之主。又頭風目眩項振強。申脈金門手三里。又赤眼迎香出血奇。臨泣太衝合谷侶。又脚若轉筋眼發花。然谷承山法自古。肘後歌 頂心頭痛眼不開。湧泉下鍼足安泰。又口噤眼合藥不下。合谷一鍼效甚奇。又或患傷寒熱未收。牙關風壅藥難投。項強反張目直視。金鍼用意列缺求。又傷寒痞氣結胸中。兩目昏黃汗不通。湧泉妙穴三分許。速使周身汗自通。又剛柔二瘧最乖張。日噤眼合面紅粧。熱血流入心肺腑。須要金鍼刺少商。馬丹陽天星十二穴治雜病歌 太衝眼目似雲朦。

口門

百證賦 頰車地倉穴。正口喎於片時。又陽谷俠谿。頰腫口噤並治。又少商曲澤。血虛口渴同施。又復溜祛舌乾口燥之悲。又太衝瀉脣喎以速愈。玉龍賦

地倉頰車療口噤。又大陵人中瀉。口氣全除。靈光賦地倉能止口流涎。玉龍歌口眼喎斜最可嗟。地倉妙穴連頰車。喎左瀉右依師正。喎右瀉左莫令斜。又三焦熱氣壅上焦。口苦舌乾豈易調。鍼刺關冲去毒血。口生津液病俱消。又口臭之疾最可憎。勞心只爲苦多情。大陵穴內人中瀉。心得清涼氣自平。勝玉歌心熱口臭大陵驅。雜病穴法歌頭面耳目口鼻病。曲池合谷爲之主。又口噤喎斜流涎多。地倉頰車仍可舉。又口舌生瘡舌下竅。三稜刺血非粗鹵。肘後歌口噤眼合藥不下。合谷一鍼效甚奇。又狐惑傷寒滿口瘡。須下黃連犀角湯。蟲在臟腑食肌肉。須要神鍼刺地倉。又剛柔二瘰最乖張。口噤眼合面紅粧。熱血流入心肺腑。須要金鍼刺少商。馬丹陽天星十二穴治雜病歌合谷口噤不開言。又列缺口噤不開牙。四總穴歌面口合谷收。

鼻門

百證賦天府合谷。鼻中衄血宜追。又通天去鼻內無聞之苦。又鼻痔必取齧交。蘭江賦申脈能除寒與熱。頭風偏正及心驚。耳鳴鼻衄胸中滿。好把金鍼此穴尋。玉龍賦頭風鼻淵。上星可用。又迎香攻鼻塞爲最。靈光賦兩鼻齧衄鍼

禾膠。鼻塞不聞迎香間。通玄指要賦鼻塞無聞。迎香可引。玉龍鼻流清涕名鼻淵。先瀉後補疾可痊。又不聞香臭從何治。迎香兩穴可堪攻。先補後瀉分明效。一鍼未出氣先通。又鼻流清涕氣昏沉。須知噴嚏風門穴。雜病穴法歌頭面耳目口鼻病。曲池合谷爲之主。又鼻塞鼻痔及鼻淵。合谷太冲隨手取。又衄血上星與禾膠。馬丹陽天星十二穴治雜病歌合谷齒齮鼻衄血。

舌門

百證賦廉泉中衝。舌下腫疼堪取。又復溜祛舌乾口燥之悲。又啞門關衝。舌緩不語而要緊。又天鼎間使。失音囁嚅而休遲。玉龍歌偶爾失瘖言語難。啞門一穴兩筋間。若知淺鍼莫深刺。言語音和照舊安。又三焦熱氣壅上焦。口苦舌乾豈易調。鍼刺關衝出毒血。口生津液病俱消。雜病穴法歌口舌生瘡舌下竅。三稜刺血非粗齒。又舌裂出血尋內關。太衝陰交走上部。又舌上生苔合谷當。又手三里治舌風舞。馬丹陽天星十二穴治雜病歌通里欲言聲不出。又通里暴瘖面無容。

齒門

百證賦 耳門絲竹空。住牙疼於頃刻。又承漿瀉牙疼而即移。席弘賦 牙疼腰痛並咽痺。二間陽谿疾怎逃。玉龍賦 二間治牙疼。靈光賦 頰車可灸牙齒愈。通玄指要賦 牙齒痛呂細堪治。玉龍歌 頭項強痛難回顧。牙疼並作一般看。先向承漿明補瀉。後鍼風府即時安。又牙痛陣陣苦相煎。穴在二間要得傳。勝玉歌 牙腮疼緊大迎前。雜病穴法歌 牙風面腫頰車神。合谷臨泣瀉不數。肘後歌 或患傷寒熱未收。牙關風壅藥難投。項強反張目直視。金鍼用意列缺求。長桑君天星祕訣歌 牙疼頭痛兼喉痺。先刺二間後三里。馬丹陽天星十二穴治雜病歌 內庭數欠及牙疼。又合谷齒齟鼻衄血。又列缺口噤不開牙。

咽喉門

標幽賦 取照海治喉中之閉塞。又心脹咽痛。鍼太衝而必除。百壽賦 喉痛兮。液門魚際去療。蘭江賦 頭部還須尋列缺。痰涎壅塞及咽乾。又噤口喉風鍼照海。三稜出血刻時安。席弘賦 誰知天突治喉風。又牙疼腰痛並咽痺。二間陽谿疾怎逃。又咽喉最急先百會。太衝照海及陰交。玉龍歌 乳鵝之症少人醫。必用金鍼疾始除。如若少商出血後。即時安穩免災危。勝玉歌 頰腫喉閉少商

前。長桑若天星祕訣歌。牙疼頭痛兼喉痺。先刺二間後三里。馬丹陽天星十二穴治雜病歌。內庭癰疹咽喉痛。又曲池喉閉促欲死。又太衝咽喉并心脹。

頸項門

百證賦。審他項強傷寒。溫溜期門而主之。又項強多惡風。東骨相連於天柱。又顛滿項強。神藏璇璣宜試。通玄指要賦。風傷項急。始求於風府。又頭項強。承漿可保。又頭項痛。擬後谿以安然。玉龍歌。頭項強痛難回顧。牙疼并作一般看。先向承漿明補瀉。後鍼風府即時安。勝玉歌。頭項強急承漿保。雜病穴法歌。頭風日眩項振強。申脈金門手三里。又二陵二蹻與二交。頭項手足互相與。肘後歌。或患傷寒熱未收。牙關風壅藥難投。項強反張目直視。金鍼用意列缺求。四總穴歌。頭項尋列缺。

心門

標幽賦。心脹咽痛。鍼太衝而必除。百證賦。聽宮脾俞。祛殘心下之悲懷。蘭江賦。申脈能除寒與熱。頭風偏正及心驚。席弘賦。心疼手顫少海間。若要除根寬

陰市。又陰陵泉治心胸病。鍼到承山飲食美。又婦人心痛心俞穴。玉龍賦勞
宮大陵。可療心悶瘡癢。又心悸虛煩刺三里。又通里療心驚而卽瘥。又上脘
中脘治九種之心痛。又若心虛熱壅。少衝明於濟奪。靈光賦心疼手顫鍼少
海。少澤應除心下寒。通玄指要賦勞宮退胃翻心痛亦何疑。又抑又聞心胸病。
求掌後之大陵。玉龍歌九種心疼及脾疼。上脘穴內用神鍼。又膽寒心虛病如
何。少衝二穴最功多。刺入三分不着艾。金鍼用後自平和。又小腹脹滿氣攻
心。內庭二穴要先鍼。又心胸之病大陵瀉。又口臭之疾最可憎。勞心只爲苦
多情。大陵穴內人中瀉。心得清涼氣自平。勝玉歌心疼脾痛上脘先。又霍亂
心疼吐痰涎。巨闕着艾便安然。又脾心痛亟尋公孫。又心熱口臭大陵驅。雜
病穴法歌脊肩心痛鍼中渚。又心痛翻胃刺勞宮。寒者少澤灸手指。又心痛手戰
少海求。若要除根陰市靚。又心胸痞滿陰陵泉。鍼到承山飲食美。肘後歌心
胸有病少府瀉。又剛柔二瘕最乖張。口噤眼合面紅粧。熱血流入心肺腑。須
要金鍼刺少商。馬丹陽天星十二穴治雜病歌三里能通心腹脹。又太衝咽喉并心脹
。又崑崙暴喘滿中心。

肝門

玉龍歌 肝家血少目昏花。宜補肝俞力便加。更把三里頻瀉動。還光益血自無差。
勝玉歌 肝血勝兮肝俞瀉。

脾門

標幽賦 脾冷胃疼。瀉公孫而立愈。百證賦 脾虛穀以不消。脾俞膀胱俞覺。玉龍賦 天樞理感患脾泄之危。又脾虛黃疸。腕骨中脘何疑。玉龍歌 脾家之症最可憐。有寒有熱兩相煎。間使二穴鍼瀉動。熱瀉寒補病俱痊。又九種心痛及脾疼。上脘穴內用神鍼。若還脾敗中脘補。兩鍼神效免災侵。又脾家之症有多般。致成翻胃吐食難。黃疸亦須尋腕骨。金鍼必定奪中脘。又脾泄之症別無他。天樞二穴刺休差。此是五臟脾虛疾。艾火多添病不加。勝玉歌 心疼脾痛上脘先。又脾疼背痛中渚瀉。又脾心痛亟尋公孫。雜病穴法歌 脾病氣血先合谷。後刺三陰鍼用燒。長桑君天星祕訣歌 脾病血氣先合谷。後鍼三陰交莫遲。

肺門

肘後歌 剛柔二痿最乖張。口噤眼合面紅粧。熱血流入心肺腑。須要金鍼刺少
商。

腎 門

百證賦 行間湧泉。去消渴之腎竭。玉龍賦 心俞腎俞治腰腎虛乏之夢遺。又帶
脈關元多灸。腎敗堪攻。通玄指要賦 陰陵開通於水道。又然谷瀉腎。又冷痺腎
敗。取足陽明之土。玉龍歌 腎弱腰疼不可當。施爲行止甚非常。若知腎俞二
穴處。艾火頻加體自康。又腎敗腰虛小便頻。夜間起止苦勞神。命門若得金
鍼助。腎俞艾灸起遭連。又腎強疝氣發甚頻。氣上攻心似死人。關元兼刺大
敦穴。此法親傳始得真。又腎氣衝心得幾時。須用金鍼疾自除。若得關元並
帶脈。四海誰不仰明醫。勝玉歌 腎敗腰疼小便頻。督脈兩旁腎俞除。

臆 門

玉龍歌 膽寒心虛病如何。少衝二穴最功多。刺入三分不着艾。金鍼用後自平
和。又膽寒由是怕驚心。遺精白濁實難禁。夜夢鬼交心俞治。白環俞治一般

鍼。

胃門

標幽賦 脾冷胃疼。瀉公孫而立愈。百證賦 胃冷食而難化。魂門胃俞堪責。又中脘主乎積滯。席弘賦 胃中有積刺璇璣。三里功多人不知。玉龍賦 風門主傷胃寒邪之嗽。又欲調飽滿之氣逆。三里可勝。又中魁理翻胃而即愈。通玄指要 賦 勞宮退胃翻心痛亦何疑。玉龍歌 若患翻胃并吐食。中魁奇穴莫教偏。又脾家之證有多般。致成翻胃吐食難。黃疸亦須尋腕骨。金鍼必定奪中脘。勝玉歌 胃冷下脘却為良。雜病穴法歌 心痛翻胃刺勞宮。寒者少澤灸手指。肘後歌 中脘回還胃氣通。又中滿如何去得根。陰包如刺效如神。不論老幼依法用。須教患者便擡身。長桑君天星祕訣歌 若是胃中停宿食。後尋三里起璇璣。馬丹陽天星十二穴治雜病歌 三里善治胃中寒。又內庭虛疾不能食。又通里虛則不能食。行鍼指要歌 或鍼吐。中脘氣海膻中補。反胃吐食一般醫。

胸門

標幽賦 胸滿腹痛刺內關。百證賦 建里內關。掃盡胸中之苦悶。又胸脅支滿何療。章門不用細尋。又膈疼飲蓄難禁。膈中巨闕便鍼。又胸滿更加噎塞。中府意舍所行。又胸膈停留瘀血。腎俞巨膠宜徵。又胸滿項強。神藏璇璣宜試。肅注賦 胸中之病內關擔。又申脈能除寒與熱。頭風偏正及心驚。耳聾鼻衄胸中滿。好把金鍼此穴尋。席弘賦 陰陵泉治心胸滿。鍼到承山飲食思。通玄指要賦 胸結身黃。取湧泉而即可。又期門罷胸滿血膨而可已。又抑又聞心胸病。求掌後之大陵。玉龍歌 心胸之病大陵瀉。氣攻胸腹一般鍼。雜病穴法歌 心胸痞滿陰陵泉。鍼到承山飲食美。肘後歌 心胸有病少府瀉。又傷寒痞氣結胸中。兩目昏黃汗不通。湧泉妙穴三分許。速使周身汗自通。長桑君天星祕訣歌 胸膈痞滿先陰交。鍼到承山飲食美。

腹門

標幽賦 胸滿腹痛刺內關。百證賦 腹內腸鳴。下脘陷谷能平。蘭江賦 臍下公孫用法攔。席弘賦 肚疼須是公孫妙。內關相應必然瘳。玉龍賦 肚痛祕結。大陵合外關於支溝。又內庭臨泣。理小腹之脹。又取內關於照海。醫腹疾之塊。